

晉

書

料

注

晉書斟注卷二十五

錢塘吳士鑑

同注

烏程劉承幹

志第十五

輿服

史臣曰昔者乘雲效駕

廿二史考異二十日按天文地理律歷禮樂職官食貨五行刑

法諸序首或引書傳或自立論未有冠以史臣者獨輿服一篇有史臣曰三字此義例之未衷於一也

卷

領垂衣則黃帝皂衣纁裳放勳彤車白馬叶三微之序

舍寅丑之建立戈玉刃作會相暉若乃參旗分景帝車

含曜又所以營衛南宮增華北極月令季夏之月命婦

官染綵頰丹班次各有品章矣高旗有日月之象式視有威儀之選衣兼鞞珮衡載鳴和是以閑邪屏棄不可入也若乃正名百物補緝四維疏懷山之水靜傾天之害功尤彰者飾彌煥德愈盛者服彌尊莫不質良用成其美書曰明試以功車服以庸禮記曰鸞車有虞氏之路也鉤車夏后氏之路也大路殷路也乘路周路也而韍火山龍以通其意前史以爲聖人見鳥獸容貌草木英華始創衣冠而立黃殊采見秋蓬孤轉杓觶旁建乃作輿輪而方圓異則遇物成象觸類興端周因於殷其來已舊成王之會壇垂陰羽五方之盛有八十物者

焉宗馬鳥旌奚往不格殷公曹叔此焉低首周禮巾車

氏建大赤以朝大白以戎

華嚴音義引作大帛以戎

雅制弘多式遵

遺範賓入異憲師行殊則是有嚴有翼用光其武鉤
膺倅革乃暢其文六服之冕五時之路王之常制各有
等差逮禮業彫訛人情馳爽諸侯征伐憲度淪亡一紫
亂於齊飾長纓混於鄒翫孔子曰君子其學也博其服
也鄉若乃豪傑不經庶人干典影鵠冠於鄭伯之門躡
珠履於春申之第及秦皇并國攬其餘軌豐貂東至獬
豸南來又有立旗皂旒之制旄頭罕車之飾寫九王之
廷於咸陽北坂車輿之綵各樹其文所謂秦人大備而

陳戰國之後車者也及凝脂布網經書咸燼削滅三代以金根爲帝軫除棄六冕以衿玄爲祭服高祖入關旣因秦制世宗挺英雄之略總文景之資揚霓拂翳皮軒記鼓橫汾河而祠后土登甘泉而祭昊天奉常獻儀謂之大駕車千乘而騎萬匹以幸姬趙飛燕置屬車間豹尾中管記曰是武帝時先有趙飛燕矣疑卽鉤弋夫人之名又楊雄所謂矍天狼之威弧張曜日之靈旄駢羅列布霧集雲合者也於後王氏擅朝武車常軻赤眉之亂文物無遺建武十三年吳漢平蜀始送葆車輿輦充庭之飾漸以周備明帝採周官禮記更服袞章天子冠通天而佩玉璽魏明以黼

敵之美有疑於僭於是隨章儼略而損者半焉高堂隆
奏曰改正朔殊徽號者帝王所以神明其政變民耳目
也帝從其議改青龍五年爲景初元年服色尙黃從地
正也世祖武皇帝接天人之貺開典午之基受終之禮
皆如唐虞故事晉氏金行而服色尙赤豈有司失其傳
歟

玉金象革木等路是爲五路並天子之法車皆朱班漆
輪畫爲幘文三十輻法月之數重轂貳轄以赤油廣八
寸長三尺注地繫兩軸頭謂之飛輪續漢志注曰疏轂
飛鈴案飛鈴卽飛
幹疑當金薄繆龍之爲輿倚較續漢志注徐廣曰繆交
錯之形也較在箱上通
作幹

俗文曰車箱爲較補注曰劉氏云薄猶飾也繆禮書作
珍然龍貌珍音虬周家祿校勘記曰繆龍下脫繞字
較重爲文獸伏軾龍首銜軛左右吉陽箛鸞雀立衡橫
文畫轅及轡青蓋黃爲裏謂之黃屋金華施椽朱椽二
十八以象宿十七史商榷四十七兩箱之後皆玳瑁爲
鵠翅加以金銀雕飾故世人亦謂之金鵠車斜注旂旗
於車之左又加檠戟於車之右皆橐而施之檠戟韜以
黻繡上爲亞字繫大蛙蟆蟠元本作轆輓長丈餘於戟之杪
以鼈牛尾大如斗置左騑馬輓上是爲左纛轅皆曲向
上取禮緯山車垂句之義禮緯曰山車垂句注曰句曲也言不揉而能

自曲

王金象三路各以其物飾車因以爲名革者漆草木者

漆木其制玉路最尊建太常十有二旒

續漢志作建大旒十二游九

仞委地畫日月升龍以祀天金路建大旂九旒以會萬國之賓亦以賜上公及王子母弟象路建大赤通赤無畫所以視朝亦以賜諸侯革路建大白以卽戎兵事亦以賜四鎮諸侯木路建大麾以田獵其麾色黑亦以賜藩國玉路駕六黑馬餘四路皆駕四馬馬並以黃金爲文髦插以翟尾象鹿而鏤錫錫在馬面所謂當顙者也

晉書校文二曰鹿蓋鏤之誤文續漢志可證

金麥而方鉉金麥謂以金麥爲

文旄以鐵爲之其大三寸中央低兩頭高如山形貫中

以翟尾而結著之也

獨斷曰金鏤者馬冠也高廣各五寸上如玉華形在馬髦前方

也廣數寸在馬鏤後有三孔插翟尾其中案金麥續漢志作金鏤東京賦作鏤說文解字曰鶴走鳴長尾雉也

乘輿以爲防鈇著馬頭上是方鈇卽防鈇續漢志注引顏延之幼詒亦作防鈇

金就十有二纓繁馬飾纓在馬膺前如索帶

續漢志曰朱兼樊纓

補注曰鄭元周禮注曰樊讀爲鞞謂今之馬大帶也纓

今馬鞞桓二年左傳鞞厲游纓服虔曰纓如今索帶今乘輿大駕有之周家祿校勒記曰注纓繁當作繁纓

五路皆有錫鸞之飾和鈴之

響鈎膺玉環鈎膺卽繁纓也環馬帶玦名也龍韉華轡

韉車轡也頭爲龍象轡謂車衡上環受轡者也朱幘幘

飾也人君以朱纒鐵扇汗以爲飾也法駕行則五路各

有所主不俱出臨軒大會則陳乘輿車輦旌鼓於其殿

庭

車坐乘者謂之安車倚乘者謂之立車亦謂之高車案

周禮惟王后有安車也王亦無之自漢以來制乘輿乃

有之有青立車青安車赤立車赤安車黃立車黃安車

白立車白安車黑立車黑安車合十乘名爲五時車俗

謂之五帝車

薛綜東京賦注曰五時之服各隨其車車各一色以爲副貳副車各一乘今謂之五

帝車

天子所御則駕六其餘並駕四

續漢志注古文尙書曰凜乎若朽索

也馭六馬逸禮王度曰天子駕六馬諸侯駕四大夫駕

三士二庶人一周禮四馬爲乘毛詩天子至大夫同駕

四士駕二易京氏春秋公羊說皆云天子駕六許慎以

爲天子駕六諸侯及卿駕四大夫駕三士駕二庶人駕

一史記秦始皇以水數制乘六馬鄭立以爲天子四馬

周禮乘馬有四圉各養一馬也諸侯亦四馬今帝者駕

六此自漢制與古異耳文選籍田賦注引臧榮緒晉書
作並駕駟續漢志曰所御駕六餘皆駕四補注徐廣曰
駕六黑馬施十二建旂十二各如車色立車則正豎其
鸞駕四馬施八鸞旂安車則邪注駕馬馬亦各隨五時之色白馬則朱其
驢尾左右駢駟金鈔鏤錫黃屋左纛續漢志注曰左駢
馬頭上補注曰薛
綜東京賦注曰左纛以旄牛尾大如斗置駢頭馬上以
亂馬目不令相見也沈約曰所謂左纛輿也李斐曰纛
毛羽幢也在乘輿車衡左方如金根之制行則從後五
上注之纛音毒又徒到切牛旗平吳後所造以五牛建旗車設五牛青赤在左黃
在中白黑在右豎旗於牛背行則使人輿之牛之爲義
蓋取其負重致遠而安穩也旗常纏不舒所謂德車結
旌也天子親戎則舒謂武車綏旌也

金根車駕四馬

類聚七十一應劭漢儀曰天子法駕所乘曰金根車駕六龍以御天下也案志

文作四馬蓋不沿漢制也

又九十二徐廣車服注曰天

子輅金根車翠羽蓋御覽七百七十三董巴與服志曰

乘輿金根車五乘輪皆朱班重牙二轂又九百十

七徐廣車服注曰天子金根車馬上插以翟毛

旗幟其上如畫輪車下猶金根之飾

耕根車駕四馬建赤旗十有二旒天子親耕所乘者也

一名芝車一名三蓋車

新論桓譚謂楊雄曰君之爲黃門郎居殿中數見輿輦玉蚤華

芝及鳳皇三蓋之屬東京賦注薛綜曰農輿三蓋所謂耕根車也

置耒耜於軾上魏景

初元年改正朔易服色色尙黃牲用白戎事乘黑首白

馬建大赤之旅朝會則建大白行殷之時也泰始二年

有司奏宜如有虞遵唐故事皆用前代正朔服色其金

根耕根車並以建赤旗帝從之

輦案自漢以來爲人君之乘

釋名曰輦人所輦也隋志曰漢成帝游後庭則乘之

徐爰釋問曰天子御輦侍中陪乘

魏晉御小出卽乘之

戎車駕四馬天子親戎所乘者也載金鼓羽旗幢翳置

弩於軾上

續漢志注徐廣曰置弩於軾上駕兩馬也

其建矛麾悉斜注

獵車駕四馬天子校獵所乘也重輶漫輪

續漢志漫作縵繆龍

繞之一名闔戟車一名跼豬車魏文帝改名跼獸車記

云國君不乘奇車奇車亦獵車也古天子獵則乘木輅

後人代以獵車也

案續漢志作闔豬注云魏文帝改曰闔虎車本志作獸唐人避諱所改文

選籍田賦注引臧榮緒晉書作戟車載闔

遊車九乘駕四先驅之乘是也

雲罕車駕四

文選籍田賦注引臧榮緒晉書駕四作駕

補注曰沈約案魏命晉王建天子旌旗置旄頭雲罕是

知雲罕非旌旗也雲罕疑是畢罕麟輶狀昭雲罕角

旌旗非也案中朝鹵簿圖曰雲罕駕輿不兼言九旂罕

車與九旌車別

皮軒車駕四以獸皮爲軒

鸞旗車駕四先輅所載也鸞旗者謂析羽旄而編之列

繫幢傍也

建華車駕四凡二乘行則分居左右

輕車駕二古之獸車也

續漢志宋志獸車作戰車案本志下文有射聲校尉吏士戰士

載句則獸車爲戰車之誤也

前後二十乘分居左右輿輪洞朱不巾

不蓋建矛戟麾幢置弩箠於軾上大駕法駕出射聲校尉司馬吏士戰士載以次屬車

司南車一名指南車

宋禮志曰指南車其始周公所作以送荒外遠使地域平漫迷於東

西造立此車使常知南北鬼谷子曰鄭人取玉必載司南爲其不惑也至於秦漢其制無聞後漢張衡始復創造漢末喪亂其器不存魏高堂隆秦朗皆博聞之士爭論於朝云無指南車記者虛說明帝青龍中命博士馬鈞更造之而車成晉亂復亡石虎使解飛姚興使令狐生又造焉安帝義熙十三年宋武帝平長安始得此車駕四馬其下制如樓三級四角金龍銜羽葆刻木爲仙人衣羽衣立車上車雖回運而手常指南大駕出行爲先啟之乘

記里鼓車駕四形制如司南其中有木人執槌向鼓行

一里則打一槌

崔豹古今注曰一名大章車所以識道里下一層擊鼓行十里上一層擊

獨尙方故事有其作法然未詳之

羊車一名輦車其上如輶伏兔箱漆畫輪輓武帝時護

軍羊琇輓乘羊車司隸劉毅糾劾其罪

御覽七百七十五晉太元端作

起居注曰司隸校尉劉毅奏護軍羊琇私角弩四張又乘羊車請免官罪之詔曰羊車雖無制然非素所乘者

可如所奏

畫輪車駕牛以綵漆畫輪轂故名曰畫輪車上起四夾

杖左右開四望綠油幢朱絲絡青交路其上形制事事

如輦其下猶如犢車耳古之貴者不乘牛車漢武帝推

恩之末諸侯寡弱貧者至乘牛車其後稍見貴之自靈

獻以來天子至士遂以爲常乘廿二史考異二十日按

曲轅駕駟馬惟平地之車駕牛乃有兩轅考工記所謂

大車之轅摯其登又難者也牛車本庶人所乘史記平

準書言漢興接秦之敝自天子不能具鈞駟而將相或

乘牛車則漢初貴者已乘之矣晉時御衣車御書車御

輶車御藥車畫輪車皆駕牛則并施於鹵簿隋書閭毗

傳言屬車八十一乘以牛駕車不足益以益文物是自晉

至隋屬車皆駕牛也石崇傳崇與王愷出遊爭入洛城

崇牛迅若飛禽愷絕不能及密貨崇帳下問其所以答

曰牛奔不遲良由馭者也逐不及反制之可聽驅轅則

駛矣王衍傳引王導共載在車中攬鏡自照謂導曰爾

看吾日光在牛背上矣王導傳導營別館以處衆妾妻

曹氏將往焉導恐妾被辱遽命駕猶恐遲之以所執塵

尾驅牛而進世說劉尹臨終外請殺車中牛祭神答曰

某之禱久矣南史劉瑀傳與何偃同從郊祀偃乘車在

前瑀踴馬及之謂偃曰君轡何疾偃曰牛駿馭精所以

疾耳徐湛之傳與弟序之共車行牛奔車壞朱脩之傳

至建業奔牛墜車折脚劉德願傳善御車嘗立兩柱使
其中劣通車軸乃於百餘步上振轡長驅未至數尺打
牛奔從杜前直過梁本紀常乘折角小牛車蕭琛傳郡
有項羽廟前後二千石皆於聽拜祠以輓下牛充祭北
史高允傳特賜允蜀牛一頭四望蜀車一乘彭城王勰
傳登車入東掖門度一小橋牛傷人挽而入北海王詳
傳宣武之親政詳與咸陽王禧彭城王勰並召入共乘
犢車常景傳齊神武以景清貧特給車牛四乘妻孥方
得達鄴元仲景傳兼御史中尉每向臺恒駕赤牛時人
號赤牛中尉朱世隆傳今旦爲令王借車牛一乘車
入到省西門王嫌牛小繫于關下槐樹更將一青牛駕
車畢義雲傳高元海遣犢車迎義雲入北宮琅邪王儼
傳魏氏舊制中丞出干步清道王公皆遙住車去牛頓
輒於地以待中丞過其或遲違則赤棒棒之和士開傳
遣韓寶業以犢車迎士開入內牛宏傳弟弼常醉射殺
宏駕車牛藝術傳天興五年牛大疫輿駕所乘巨犢數
百頭同日斃于路側此則自晉至至尊出朝堂舉哀乘
之隋王公士大夫競乘牛車之證也

屬車一日副車一日貳車一日左車漢因秦制大駕屬車八十一乘行則中央左右分爲行

法駕屬車三十六乘

續漢志三十作四十宋志亦作三十

最後車懸豹尾

以前比之省中屬車皆皂蓋朱裏云

御衣車御書車御輅車御藥車皆駕牛

陽遂四望總窗皂輪小形車駕牛

象車漢鹵簿最在前武帝太康中平吳後南越獻馴象

詔作大車駕之以載黃門鼓吹數十人使越人騎之元

正大會駕象入庭

南齊禮志史臣曰案晉中朝元會設卧騎倒騎顛騎自東華門馳往神武

門此亦角抵雜戲之流也初學記二十九御覽八百九十晉諸公贊曰晉時南越致馴象於皋澤中養之爲作

車黃門鼓吹數十人令越人騎之每正朝大會皆入充
庭帝行則以象車導引以試橋梁後象以鼻擊害人有
司啟之而殺象象泣血流地不敢動自後朝議以象無
益於事悉送還越案此文不類晉諸公贊疑誤以他書
當之或引晉贊而刪去上下文也

中朝大駕鹵簿

案隋志有晉鹵簿圖一卷史記司馬相

十引鹵簿叙御覽八百九十二引晉中朝大駕鹵簿即志文所自防也

先象車鼓吹一部十三人中道 次靜室令駕一中道

式道候二人駕一分左右也 次洛陽尉二人騎分左

右 次洛陽亭長九人赤車駕一分三道各吹正二人

引 次洛陽令皂車駕一中道 次河南中部掾中道

河橋掾在左功曹史在右並駕一 次河南尹駕駟戟

吏六人 次河南主簿駕一中道 次河南主記駕一中道 次司隸部河南從事中道都部從事居左別駕從事居右並駕一 次司隸校尉駕三戟吏八人 次司隸主簿駕一中道 次司隸主記駕一中道 次廷尉明法掾中道五官掾居左功曹史居右並駕一 次廷尉卿駕駟戟吏六人 次廷尉主簿主記並駕一在左太僕引從如廷尉在中宗正引從如廷尉在右 次太常駕駟中道戟吏六人太常外部掾居左五官掾功曹史居右並駕一 次光祿引從中道太常主簿主記居左衛尉引從居右並駕一 次太尉外督令使駕一

中道 次西東賊倉戶等曹屬並駕一引從 次太尉
駕駟中道太尉主簿舍人各一人祭酒二人並駕一在
左 次司徒引從駕駟中道 次司空引從駕駟中道
三公騎令史戟各八人鼓吹各一部七人 次中護軍
中道駕駟鹵簿左右各二行戟楯在外弓矢在內鼓吹
一部七人 次步兵校尉在左長水校尉在右並駕一
各鹵簿左右二行周家祿校勘記曰二行上脫各字 戟楯在外刀楯在
內鼓吹各一部七人 次射聲校尉在左翊軍校尉在
右並駕一各鹵簿左右各二行戟楯在外刀楯在內鼓
吹各一部七人 次驍騎將軍在左游擊將軍在右並

駕一皆鹵簿左右引各二行戟楯在外刀楯在內鼓吹
各一部七人 騎隊五在左五在右隊各五十匹命中
督二人分領左右各有戟吏二人麾幢獨揭鼓在隊前
次左將軍在左前將軍在右並駕一皆鹵簿左右各
二行戟楯在外刀楯在內鼓吹各一部七人 次黃門
麾騎中道 次黃門前部鼓吹左右各一部十三人駕
駟八校尉佐仗左右各四行外大戟楯 次九尺楯
次弓矢 次弩並熊渠欽飛督領之 次司南車駕駟
中道護駕御史騎夾左右 次謁者僕射駕駟中道
次御史中丞駕一中道 次武賁中郎將騎中道 次

九游車中道武剛車夾左右並駕駟 次雲罕車駕駟

中道 次闢戟車駕駟中道長戟邪偃向後 次皮軒

車駕駟中道 次鸞旗車中道建華車分左右並駕駟

次護駕尙書郎三人都官郎中道駕部在左中兵在

右並騎又有護駕尙書一人騎督攝前後無常 次相

風中道

御覽九晉令曰車駕出入相風已前侍御史令史之類聚六十八引晉令作相風前引

次司馬督在前中道左右各司馬史三人引仗左右各

六行外大戟楯二行 次九尺楯 次刀楯 次弓矢

次弩 次五時車左右有遮列騎 次典兵中郎中

道督攝前却無常左殿中御史右殿中監並騎 次高

蓋中道左畢右罕

次御史中道

隋志曰晉氏南簿左御史輅車行中道

右節郎各四人

次華蓋中道

次殿中司馬中道殿

中都尉在左殿中校尉在右左右各四行細楯一行在
弩內又殿中司馬一行殿中都尉一行殿中校尉一行
次提鼓中道 次金根車駕六馬中道太僕卿大將
軍參乘左右又各增三行爲九行司馬史九人引大戟
楯二行九尺楯一行刀楯一行由基一行細弩一行跡
禽一行椎斧一行力人刀楯一行連細楯殿中司馬殿
中都尉殿中校尉爲左右各十二行 金根車建青旂
十二左將軍騎在左右將軍騎在右

惜抱軒筆記曰前後左右將軍本漢

官魏晉別有前軍後軍左軍右軍將軍乃宿衛之職謂之四軍屬中領軍宋書官志左右前後將軍金印紫綬左軍右軍前軍後軍銀印紫綬晉書與服志內載大駕鹵簿騎隊後左將軍在左前將軍在右至豹尾後領軍將軍中道後將軍在左右將軍在右此四將軍分於前引後從皆自乘一車各有鹵簿鼓吹至其中金根車駕六馬中道此天子矣於是左軍將軍騎在左右軍將軍騎在右此不得自有鹵簿者也而今晉書本金根車旁左軍將軍右軍將軍脫兩軍字與前引從之將軍無別矣而大駕鹵簿至渡江後已不備四軍所統殆亦減於西晉此四軍將軍王彪之直欲殿中將軍持鑿臚斧夾省去併其事於殿中將軍者也

車車後衣書主職步從六行合左右三十二行 次曲

華蓋中道侍中散騎常侍黃門侍郎並騎分左右 次

黃鉞車駕一在左 御覽六百八十徐爰釋疑略注曰豹尾黃鉞金鉦舊載馬車晉江左乘馬執之案下文豹尾車駕一金鉦車駕三均是西御麾騎晉舊制至江左則皆不用車駕而乘馬執之矣

在右 次相風中道 次中書監騎左祕書監騎右

次殿中御史騎左殿中監騎右 次五牛旗赤青在左

黃在中白黑在右 次大輦中道太官令丞在左太醫

令丞在右 次金根車駕駟不建旗 次青立車 次

青安車 次赤立車 次赤安車 次黃立車 次黃

安車 次白立車 次白安車 次黑立車 次黑安

車合十乘並駕駟建旗十二如車色立車正豎旗安車

邪拖之 次蹋豬車駕駟中道無旗 次耕根車駕騎

中道赤旗十二熊渠督左俠飛督右 次御輅車 次

御四望車 次御衣車 次御書車 次御藥車並駕

牛中道 次尙書令在左尙書僕射在右又尙書郎六人分次左右並駕又治書侍御史二人分左右又侍御史二人分次左右又蘭臺令史分次左右並騎 次豹

尾車駕一自豹尾車後而鹵簿盡矣

御覽八百九十二晉中朝大駕鹵簿

曰豹尾車駕一蘭臺符節令史載自豹尾後鹵簿盡又徐廣車服注曰乘輿之有屬車最後一車懸豹尾

以神弩二十張夾道至後部鼓吹其五張神弩置一將左右各二將 次輕車二十乘左右分駕 次流蘇馬六十匹 次金鉞車駕三中道左右護駕尙書郎并令史並騎各一人 次金鉞車駕三中道左右護駕侍御史并令史等並騎各一人 次黃門後部鼓吹左右各

十三人 次戟鼓車駕牛二乘分左右 次左大鴻臚

外部掾右五官掾功曹史並駕 次大鴻臚駕駟鉞吏

六人 次大司農引從中道左大鴻臚主簿主記右少

府引從 次三卿並騎吏四人鈴下二人

王國維流沙墜簡考釋補

正曰鈴下案續漢書輿服志作軻下疑謂夾車旁飛軻之卒然後漢書酷吏傳魏志管輅傳及梁習傳注晉書輿服志及楊方傳漢晉輿服志管輅傳及梁習傳注晉書漢畫象與雲南新出之漢孟璇碑均作鈴下與此簡同晉書羊祜傳鈴閣之下侍衛者不過十數人字亦作鈴宋書五行志王敦在武昌鈴下儀仗生華如蓮華狀五六日而萎萎干寶曰鈴閣尊貴者之儀鈴下主威儀之官今狂華生於枯木又在鈴閣之間言威儀之富榮華之盛皆如狂華之發不可久也是鈴下為鈴閣之下執事者作飛軻字者非也案魏志鍾繇傳注引先賢行狀云鈴下不扶令執馬鞭辟車六人執方扇羽林郎十人揖掾屬亦作鈴

朱衣 次領軍將軍中道鹵簿左右各二行九尺楯在
外弓矢在內鼓吹如護軍 次後軍將軍在左右將軍
在右各鹵簿鼓吹如左軍前軍 次越騎校尉在左屯
騎校尉在右各鹵簿鼓吹如步兵射聲 次領護驍騎
游軍校尉周家祿校勘記曰游擊誤游軍皆騎吏四人乘馬來道都督
兵曹各一人乘馬在中騎將軍四人騎校靴角金鼓鈴
下信幡軍校並駕一功曹吏主簿並騎從轍扇幢麾各
一騎鼓吹一部七騎 次領護軍加大車斧五官掾騎
從 次騎十隊隊各五十匹將一人持幢一人靴一人
並騎在前督戰伯長各一人並騎在後羽林騎督幽州

突騎督分領之

書鈔一百十七王隱晉書曰御史中丞傳咸北軍中侯鄭翊等以爲三駕鹵簿

圖有幽州突騎蜀青叟吳金顏蕩嘉宜依此置郎簿十豫州蕩騎五千人也案蜀青叟以下恐有脫誤

隊隊各五十人絳袍將一人騎靴各一人在前督戰伯

長各一人步在後騎皆持稍次大戟一隊九尺楯一

隊刀楯一隊弓一隊弩一隊隊各五十人黑袴褶將一

人騎校靴角各一人步在前督戰伯長各一人步在後

金顏督將并領之

皇太子安車駕三左右駢

初學記十晉東宮舊事曰皇太子初拜有石山安車一青

色四馬隋志曰自晉過江惟有太子禮扶朱班輪倚獸

崇選又乘山石安車義不經見事無所出

較伏鹿軾漢書注顏師古曰倚鹿校者畫立鹿于車之前兩藩外也伏熊軾者車前橫軾爲伏熊之

形也續漢志亦作九旒初學記十引晉東畫降龍青蓋

倚歌較伏鹿軾金華蚤二十八枚黑櫨文畫幡文斬黃金塗五采十七

權四十七日采當作亦謂之鸞路非法駕則乘畫輪車

末又下文重句同初學記十晉東宮舊事曰皇太子初

上開四望綠油幢拜有旌幢一又曰皇太子鹵簿有黃

麾又二十二東宮舊事曰太子儀飾有玉朱絲繩絡兩

頭劍案黃麾玉劍志所不載故附注之

箱裏飾以金錦黃金塗五采其副車三乘形制如所乘

但不畫輪耳

王青蓋車皇孫綠蓋車獨斷曰綠車名曰皇並駕三左

右駢

雲母車以雲母飾犢車臣下不得乘以賜王公耳

阜輪車駕四牛形制猶如犢車但阜漆輪轂上

通典六十五輪

作較加青油幢朱絲繩絡諸王三公有勳德者特加之

位至公或四望三望夾望車油幢車駕牛形制如阜輪但不漆轂耳王公大臣有勳德者特給之

通幟車駕牛猶如今犢車制但舉其幟通覆車上也諸

王三公並乘之

御覽七百七十三儀制令曰諸車一品

青道幟朱裏五品以上青油幟

若裏六品以下皆不得用幟

諸公給朝車駕四安車黑耳駕三各一乘阜輪犢車各一乘自祭酒掾屬以下及令史皆阜零辟朝服其武官公又別給大車

特進及車騎將軍驃騎將軍以下諸大將軍不開府非持節都督者給安車黑耳駕二輶車施耳後戶一乘

三公九卿中二千石二千石河南尹謁者僕射郊廟明

堂法出皆大車立乘駕駟前後導從大車駕二右騂他

出乘安車宋書禮志太康四年詔曰依漢故事給九卿朝車駕及安車各一乘其去位致

仕告老賜安車駟馬

郡縣公侯安車駕二右騂皆朱班輪倚鹿較伏熊軾黑

輶阜繒蓋

公旗旂八旒侯七旒卿五旒皆畫降龍

中二千石二千石皆阜蓋朱兩輶續漢志曰中二千石二千石皆阜蓋朱兩

輜補注曰此制見前書景帝令也應劭曰車耳反出所以爲之藩屏翳塵泥也二千石雙朱其次乃偏其左輶以輶爲之或用草如淳曰輶音反小車兩屏也案藩銅與輶古字通見竹邑侯相碑亦作輶說文曰輶出也銅五采駕二十七史商椎四十中二千石以上右騂千石六百石朱左輶車輶長六尺下屈廣八寸上業廣尺二寸九丈十二續漢志九丈作九文初後謙一寸若月初生示不敢自滿也

王公之世子攝命理國者安車駕三旗旂七旒其封侯之世子五旒

太康四年制依漢故事給九卿朝車駕四及安車各一

乘書鈔一百二十九晉起居注曰太康四年有司奏廷尉三官及諸部掾職在鄰輦者給白蓋小車又給卿

尊從官屬平輿輿作八年詔諸尙書軍校加侍中常侍
車六乘重車一乘者皆給傳事乘輅車給劍得入殿省中與侍臣升降相
隨

大使車立乘駕四赤帷裳騶騎導從曹公卿二千石郊
廟上陵從駕乘大使車他出乘安車也小使車不立乘
駕四輕車之流也蘭輿皆朱赤轂赤屏泥白蓋赤帷裳
從騶騎四十人又別有小使車赤轂阜蓋追捕考案有
所執取者之所乘也續漢志執取作勅取凡諸使車皆朱班輪赤

衡軛

追鋒車去小平蓋加通幃如輅車駕二追鋒之名蓋取

其迅速也施於戎陣之間是爲傳乘

輅車古之時軍車也一馬曰輅車二馬曰輅傳漢世貴輅輅而賤輅車魏晉重輅車而賤輅輅三品將軍以上尙書令輅車黑耳有後戶僕射但有後戶無耳並阜輪尙書及四品將軍則無後戶漆轂輪其中書監令如僕射侍中黃門散騎初拜及謁陵廟亦得乘之

皇太后皇后法駕乘重翟羽蓋金根車駕青輅青帷裳

雲橫畫轅黃金塗五采

書鈔一百三十九晉起居注曰咸康元年兼殿中口衛直啟作

皇后畫輪一乘用物詔曰所奏車何乃奢費爾更籌量尙書左僕射王彬奏作皇后重翟車所用物詔曰從約十七史商榷四十七曰采當作末下文同後漢書徐廣注曰五末疑謂前一轅及衡端轂頭也蓋爪施

金華駕三左右駢其廟見小駕則乘紫罽駢車雲橫畫

輦黃金塗五采駕三非法駕則皇太后乘輦皇后乘畫

輪車書鈔一百三十九晉起居注曰咸康元年兼殿中監衛直啟作皇后畫輪車詔云所奏車何乃奢費

爾更皇后先蠶乘油畫雲母安車駕六驄馬御覽七百七十五引

晉儀注作駕驂馬朱油畫兩轅安車御覽七百七十五引晉儀注作油畫

禮志曰驄淺黑色也雲母兩駕五驄馬為副又金薄石山駢紫絳罽駢車釋名

駢車駢屏也四屏蔽婦人乘牛車也有邸曰輜無邸曰皆駢續漢志注字林曰駢車有衣蔽無後轆者謂之輜

駕三驄馬為副女旄頭十二人持檠戟二人共載安車

儷駕女尚輦十二人乘輜車儷駕女長御八人乘安車

儷駕三夫人油駢車駕兩馬左駢其貴人駕節畫駢三

夫人助蠶乘青交路安車

通典六十五路作絡

駕三皆以紫絳罽

輶車九嬪世婦乘輶車駕三

長公主赤罽輶車駕兩馬公主王太妃王妃皆油輶車

駕兩馬右駢公主油畫安車駕三青交路以紫絳罽

通典

六十五路作絡輶車駕三爲副王太妃三夫人亦如之

下文公主下同公主助蠶乘油畫安車駕三公主有先置者乘青交路

安車駕三

諸王妃公太夫人夫人縣鄉君諸郡公侯特進夫人助

蠶乘阜交路安車

通典六十五路作絡下文郡縣公侯夫人王妃特進夫人二條阜交路同

作絡駕三

諸侯監國世子之世婦侍中常侍尙書中書監令卿校世婦命婦助蠶乘皐交路安車儷駕

郡縣公侯中二千石二千石夫人會朝及蠶各乘其夫之安車皆右騂皐交路皐帷裳自非公會則不得乘朝元本乘朝車止乘漆布輜駟銅五采而已案五采亦當作乘輜從續漢志作

末五

王妃特進夫人封郡君安車駕三皐交路封縣鄉君油輜車駕兩馬右騂

自過江之後舊章多缺元帝踐極始造大路戎路各一

隋志徐爰釋疑畧曰晉遷江左闕其三唯有金輜以郊木輜以戎皆卽古金根之制也

無復充庭之儀至於郊祀大事則權飾餘車以周用六師親征則用戎路去其蓋而乘之屬車但五乘而已加

綠油幢朱絲路

通典六十六作朱絲絡

飾青交路黃金塗五采

十七

史商權四十七日采當作末

其輪轂猶素兩箱無金錦之飾其一車

又是輅車舊儀天子所乘駕六是時無復六馬之乘五路皆駕四而已同用黑是爲立牡無復五時車有事則權以馬車代之建旗其上其後但以五色木牛象五時車豎旗於牛背行則使人輿之

御覽三百四十周遷車服雜記曰晉元皇始制

五牛之旗設青在左黃在中

牛之義蓋取其負重致遠安而穩也旗

常纏而不舒旆所謂德車結旌者也惟天子親戎五旗

舒旆所謂武車綏旌者也指南車過江亡失及義熙五

年

晉書校文二曰當作六年
帝紀及南燕載記可證

劉裕屠廣固始復獲焉及

使工人張網補緝周用十三年裕定關中又獲司南記
里諸車制度始備其輦過江亦亡制度太元中謝安率
意造焉及破苻堅於淮上獲京都舊輦形制無差大小
如一時人服其精記義熙五年

晉書校文二曰
亦當作六年

劉裕執

慕容超獲金鉦輦豹尾舊式猶存

元帝太興三年皇太子釋奠制曰今草創未有高車可
乘安車也太元中東宮建乘路有青赤旂致疑徐邈議
太子旣不備五路赤旂宜省漢制太子鸞路皆以安車

爲名自晉過江禮儀疎外王公以下車服卑雜惟有東
宮禮秩崇異上次辰極下納侯王而安帝爲皇太子乘
石山安車制如金路義不經見事無所出

中宮初建及祀先蠶皆用法駕太僕妻御大將軍妻參
乘侍中妻陪乘丹楊尹建康令及公卿之妻奉引各乘
其夫車服多以宮人權領其職

周禮弁師掌六冕司服掌六服非后王之制爰及元木
作爰庶人各有等差及秦變古制郊祭之服皆以衿立

舊法掃地盡矣左氏傳衿服振振服虔注曰衿服黑服也淮南子曰月視衿元高誘注曰衿純服祛墨齋衣也御覽六百九十摯虞決疑要注漢承秦
日有除衾冕之制唯爲元衣絳裳一具而已

弊西京二百餘年猶未能有所制立及中興後明帝乃

始採周官禮記尙書及諸儒記說還備袞冕之服

御覽六百

九十摯虞決疑要注曰明帝永平中使諸儒案古文依圖書始復造袞冕之服

天子車乘冠服

從歐陽氏說公卿以下從大小夏侯氏說始制天子三

公九卿特進之服侍祠天地明堂皆冠旒冕兼五冕之

制一服而已天子備十二章三公諸侯用山龍九章九

卿以下用華蟲七章皆具五采魏明帝以公卿袞衣黼

黻之飾疑於至尊多所減損始制天子服刺繡文公卿

服織成文及晉受命遵而無改天子郊祀天地明堂宗

廟元會臨軒介幘通天冠平冕冕阜表朱綠裏廣七寸

長二尺二寸加於通天冠上

續漢志曰皆廣七寸長尺二寸補注曰阮譔圖漢禮

器制度云冕制皆長六寸廣八寸長尺二寸應劭漢官儀云廣

引董巴輿服志云廣七寸長尺二寸應劭漢官儀云廣

七寸長八寸沈重云廣八寸長尺六寸者天子之冕廣

七寸長尺六寸者諸侯之冕廣七寸長八寸者大夫之

冕案據續漢志引沈重董巴志均作尺二寸通典前圓

五十七亦同則本志二尺二寸爲一尺二寸之爲

後方垂白玉珠十有二旒以朱組爲纓無綏佩白玉垂

珠黃大旒綬黃赤纁紺四采衣早上絳下前三幅後四

幅衣畫而裳繡爲日月星辰山龍華蟲藻火粉米黼黻

之象凡十二章素帶廣四寸朱裏以朱綠裨飾其側

通典

六十一朱中衣以絳緣其領袖御覽六百九十一引徐

緣作朱緣野民車服雜注中下有

單赤皮爲鞞絳袴祿御覽六百九十五董巴漢輿服志

日祀宗廟絳袴示赤心奉神也通

典六十一一祿赤舄未加元服者空頂介幘其釋奠先聖作襪下文同

則皐紗袍絳緣中衣絳袴祿黑舄其臨軒亦袞冕也其朝服通天冠高九寸金博山顏黑介幘絳紗袍皐緣中衣其拜陵黑介幘單衣其雜服有青赤黃白紉黑色典通

六十一一作雜服有介幘五色紗袍五梁進賢冠遠遊冠青赤黃白黑五色

平上幘武冠其素服白帟單衣後漢以來天子之冕前後旒用眞白玉珠魏明帝好婦人之飾改以珊瑚珠晉初仍舊不改及過江服章多闕而冕飾以翡翠珊瑚雜珠侍中顧和奏舊禮冕十二旒用白玉珠今美玉難得不能備可用白玼珠從之

通天冠本秦制高九寸正豎頂少斜却乃直下鐵爲卷
梁前有展筓冠前加金博山述乘輿所常服也隋志引
正上有形字乃直下鐵爲卷作後乃下直爲鐵卷蔡邕
獨斷曰天子冠通天漢制之秦禮無文祀天地明堂平
冕鄙人不識謂之平天冠御覽六百八十六三禮圖曰
通天冠一曰高山冠上之所服又徐廣與服雜注曰天
子通天冠高九寸黑介幘金博山又徐爰釋問曰通天
冠金博山蟬謂之金顏隋志曰晉起居注成帝咸和五
年制詔殿內曰平天冠冠並不能佳可更修理之雖
在禮無文故知天子所冠其來久矣通典五十七日述
卽鵲也鵲知天雨故冠像焉前有展筓案蔡中郎言是
漢制秦禮無文蓋漢儒相承之說本志作秦制恐誤

平冕王公卿助祭於郊廟服之王公八旒卿七旒以組
爲纓色如其綬王公衣山龍以下九章卿衣華蟲以下
七章

遠遊冠傳立云秦冠也似通天而前無山述有展筭橫
于冠前皇太子及王者後帝之兄弟帝之子封郡王者
服之諸王加官者自服其官之冠服惟太子及王者後
常冠焉御覽六百八十五徐廣與服雜注曰天子雜服
遠遊冠天子五梁太子三梁案徐廣晉宋閒人
所言蓋太子則以翠羽爲綏綴以白珠其餘但青絲而
已

緇布冠蔡邕云卽委貌冠也太古冠布齊則緇之緇布
冠始冠之冠也其制有四形一似武冠又一似進賢其
一上方其下如幘顏其一刺上而方下行鄉射禮則公
卿委貌冠以皁絹爲之形如覆杯與皮弁同制

張鑑禮器
圖曰諸侯

朝服之元冠士之元端元冠諸侯之冠弁此三冠與周天子委貌形制相同則與進賢之遺象皮弁之同制者遠相異也長七寸高四寸衣黑而裳素其中衣以皁緣領袖

其執事之人皮弁以鹿皮爲之

三禮圖曰以鹿皮淺毛黃白者爲之高尺二寸

鄭氏曰以白鹿皮爲之象太古

進賢冠古緇布遺象也

隋志布下有冠字

斯蓋文儒者之服前

高七寸後高三寸長八寸有五梁三梁二梁一梁人主元服始加緇布則冠五梁進賢三公及封郡公縣公郡侯縣侯鄉亭侯則冠三梁卿大夫八座尚書關中內侯二千石及千石以上則冠兩梁中書郎祕書丞郎著作郎尚書丞郎太子洗馬舍人六百石以下至于令史門

郎小史並冠一梁漢建初中太官令冠兩梁親省御膳
爲重也博士兩梁崇儒也續漢志注荀綽晉百官表注
史質堪上言太官宜著兩梁尚書孟希奏太官職在鼎
俎不列陞位堪欲令比大夫兩梁冠不宜許臣伏惟太
官令職在典掌王饗統六清之飲列八珍之饌正百品
之羞納四方之貢所奉尤重用思尤勤明詔慎口寶之
御防有敗之姦增崇其選侍御史主捕案太醫令奉方
藥供養符節令掌幡信金虎故位從大夫車有韜沂冠
有兩梁所以殊親疏別內外也太官令以供養言之爲
最親近以職事言之爲最煩多令又高選又執法比太
醫令科同服等而冠二人殊名實不副又博士秩卑以
其傳先王之訓故尊而異之令服大夫之冕猶此言之
兩梁冠非必列於陞位也建初中太官令兩梁冠春秋
之義大於復古如堪言合典可施行克厭帝心卽聽用
之宗室劉氏亦得兩梁冠示加服也

武冠一名武弁一名大冠一名繁冠一名建冠一名籠

冠獨斷曰武冠或曰繁冠今謂之大冠御覽六百八十五董巴漢輿服志曰武冠一日武弁大冠又徐爰宋志曰武弁世謂之籠冠卽古之惠文冠或曰趙惠文王所造因以

爲名亦云惠者螭也其冠文輕細如蟬翼故名惠文或

云齊人見千歲涸澤之神名曰慶忌冠大冠乘小車好

疾馳因象其冠而服焉漢幸臣閼孺爲侍中皆服大冠

天子元服亦先加大冠左右侍臣及諸將軍武官通服

之續漢志注晉公卿禮秩曰大司馬將軍尉駉騎車侍騎衛軍諸大將軍開府從公者著武冠平上幘侍

中常侍則加金璫附蟬爲飾插以貂毛黃金爲竿隋志

尾竿作飾侍中插左常侍插右胡廣曰昔趙武靈王爲胡服

以金貂飾首續漢志秦滅趙以其君冠賜侍臣應劭漢

作金璫

官云說者以爲金取剛強

續漢志注引應劭漢官剛強作堅剛

百鍊不耗

蟬居高飲清口在掖下

續漢志注引漢官飲清作飲

貂

內勁悍而外柔縹

續漢志注引漢官悍作捍柔縹作溫潤

又以蟬取清高

飲露而不食貂則紫蔚柔潤而毛采不彰灼

續漢志注引徐廣曰

柔潤作采潤御覽六百八十八引徐廣與服雜注柔潤作溫潤毛采作光彩

金則貴其寶瑩

於義亦有所取或以爲北土多寒胡人常以貂皮溫額

後世效此遂以附冠

續漢志注徐廣曰意謂北方寒涼本以貂皮煖額附施於冠因遂變

成首飾

漢貂用赤黑色王莽用黃貂各附服色所尚也

高山冠一名側注

漢書五行志作仄注師古曰仄古側字也謂之側注者言形立而下注也

高九寸鐵爲卷梁制似通天頂直豎不斜却無山述展

簞高山者詩云高山仰止取其矜莊賓遠者也中外官

謁者謁者僕射所服

續漢志不重謁者二字

胡廣曰高山齊王冠

也傳曰桓公好高冠大帶秦滅齊以其君冠賜謁者近

臣應劭曰高山今法冠也秦行人使官亦服之而漢官

儀云乘輿冠高山之冠飛翾之纓

通典五十七漢舊儀云乘輿冠高山冠飛

月之纓丹執裏注云一云飛翾之纓

然則天子亦有時服焉傳子曰魏明

帝以其制似通天遠游故改令卑下

御覽六百八十五引傳子故改令卑

下作乃毀變先形令行人使者服之

法冠一名柱後或謂之獬豸冠高五寸以緹爲展簞

續漢

志作以緹爲展簞注前書注曰緹今之緹通俗文幘裏曰緹補注緹依前書注當作緹李斐曰齊國春獻冠幘

縱爲首服也師古曰縱與纒同今之方目紫也鄭元郊
持牲注曰纒今之幘梁也盧植禮記注曰纒所以裹髻
承冠以全幅鐵爲柱卷取其不曲撓也漢官儀曰以鐵
疊而用之
不撓也侍御史廷尉正監平凡執法官皆服之或謂

獬豸神羊能觸邪佞

漢官儀曰或說古有獬豸獸觸邪佞故執憲者以其角形爲冠異

物志云北荒之中有獸名獬豸一角性別曲直見人闕

觸不直者聞人爭咋不正者楚嘗獲此獸因象其形以

制衣冠

淮南子曰楚文王好服獬豸冠楚國效之續漢志注異物志曰東北荒中有獸名獬豸一角性忠

見人闕則觸不直者聞人論則咋不正者楚執法者所服也

胡廣曰春秋左氏傳晉

侯觀于軍府見鍾儀曰南冠而縶者誰也南冠卽楚冠

秦滅楚以其冠服賜執法臣也

長冠一名齊冠高七寸廣三寸漆纒爲之

續漢志曰促漆纒爲之補

注曰三禮圖引云而後促漆纒爲之

徐爰釋問曰帽名猶冠也義取于蒙覆其首其本纒也古者有冠無幘冠

下有纒以緙爲之後世施幘于冠因裁纒爲帽說文曰纒冠織也

制如版以竹爲裏漢

高祖微時以竹皮爲此冠其世因謂劉氏冠

淮南子曰高皇帝履

天子之圖籍造劉氏之貌冠高誘注曰高祖于新豐所作竹皮冠也

後除竹用漆纒司馬

彪曰長冠蓋楚制人閒或謂之鵲尾冠非也救曰蝕則

服長冠而祠宗廟諸祀冠之此高祖所造後世以爲祭

服尊敬之至也

建華冠以鐵爲柱卷

續漢志注晉百官表注曰鐵柱言其厲直不曲撓

貫大銅

珠九枚古用雜木珠原憲所冠華冠是也又春秋左氏

傳鄭子臧好聚鵠冠謂建華是也祀天地五郊明堂舞人服之漢育命舞樂人所服

方山冠其制似進賢鄧展曰方山冠以五采縠爲之漢大予八佾五行樂人所服冠衣三禮圖大予作天子案續漢志亦作大予後漢明帝紀永平三年改大樂爲大予樂自以作大予爲是天子乃誤文也各如其行方之色而舞焉

巧士冠前高七寸要後相通直豎御覽六百八十五引三禮圖作前高五寸

後相連此冠不常用漢氏惟郊天黃門從官四人冠之在

鹵簿中夾乘輿車前續漢志夾作次以備宦者四星或曰掃除

從官所服

却非冠高五寸

三禮圖作高三寸

制似長冠宮殿門吏僕射冠

之負赤幡青翅燕尾諸僕射幡皆如之

却敵冠前高四寸通長四寸後高三寸制似進賢凡當

殿門衛士服之

隋志當作宮

樊噲冠廣九寸高七寸前後出各四寸制似平冕昔楚

漢會於鴻門項籍圖危高祖樊噲常持鐵楯聞急乃裂

裳苞楯戴以爲冠

續漢志苞作裹

排入羽營因數羽罪漢王乘

閒得出

元本作去

後人壯其意乃制冠象焉凡殿門司馬衛

士服之

衛士冠前圓吳制差池四重趙武靈王好服之或曰楚

莊王復讐冠是也

續漢志曰知天者冠術補注師古曰逸周書曰知天文者冠鵠冠禮圖謂

之術氏冠也御覽六百八十四董巴漢與服志曰術氏冠有五綵衣青元裳前員其制差池四重趙武靈王好服之今不施用也通典五十七作楚莊王解冠是也

鵠冠加雙鵠尾豎插兩邊鵠鳥名也形類鵠而微黑性

果勇其鬪到死乃止

續漢志注晉百官表注曰冠插兩鵠鵠鳥之暴疏者也每所攫撮應

爪摧劔天子武騎故以冠焉補注曰張晏曰鵠鳥赤足黃文以其毛飾冠韋昭曰鵠今翠鳥也李巡爾雅注曰鵠一名爲翠其羽可以爲飾樊光曰青羽出交州聶崇義曰鵠音隼亦音術御覽六百八十五董巴漢與服志曰武冠加雙鵠尾上黨貢之趙武靈王以表顯壯士至羽林虎賁冠之

秦漢猶施之武人

皮弁以鹿皮淺毛黃白色者爲之禮王皮弁會五采玉

璚象玉邸玉笄謂之合爲弁其縫中名曰會以采玉朱

一作爲璚璚結也天子五采諸侯三采邸冠下抵也象

骨爲之音帝也天子則縫有十二公九侯伯七子男五

孤四卿大夫三

韋弁制似皮弁頂土尖韎草染之色如淺絳

爵弁一名廣冕高八寸長二寸

十七史商榷四十七日長下脫尺字案續漢志

作爵弁一名冕廣八寸本志誤以廣字在冕上又誤增高字

如爵形前小後大增其

上似爵頭色有收持笄所謂夏收殷皐者也祠天地五

郊明堂翹舞樂人服之

御覽六百八十六引董巴輿服志翹士有雲字

幘者古賤人不冠者之服也

獨斷曰幘古者卑賤執事不冠者之所服也續漢志

注董仲舒止雨書曰執事者皆赤幘知不冠者之所服也漢元帝額有壯髮始引幘

服之王莽頂禿又加其屋也漢官儀曰孝武時天子以下未有幘元帝額上有壯

髮不欲使人見乃使進幘羣寮隨焉又曰幘在無巾如今半幘而已王莽無髮因為施巾故里語曰王莽頭禿

施幘屋漢注曰冠進賢者宜長耳今介幘也冠惠文者宜

短耳今平上幘也宋志作公始時各隨所宜遂因冠為

別介幘服文吏平上幘服武官也宋志作文童子幘無

屋者示未成人也又有納言幘幘後收又一重方三寸

又有赤幘騎吏武吏乘輿鼓吹所服救日蝕文武官皆

免冠著幘對朝服示武威也案宋志幘上有赤字御覽

凡救日蝕者皆著赤幘以助陽也侍臣皆赤幘帶劔是本志脫去赤字

漢儀立秋日獵服緇纁及江左哀帝從博士曹弘之等

議

御覽六百八十七引晉書禮
辨要事作哀帝隆和元年

立秋御讀令改用素白

帔案漢末王公名士多委王服以幅巾爲雅是以袁紹
崔鈞之徒雖爲將帥皆著縑巾魏武以天下凶荒資財
乏匱擬古皮弁裁縑帛以爲帔合乎簡易隨時之義以
色別其貴賤本施軍飾非爲國容也徐爰曰俗說帔本
未有岐案帔本當從
宋志作帔末荀文若巾之行觸樹枝成岐謂之
爲善因而弗改今通以爲慶弔服

巾以葛爲之形如帔而橫著之古尊卑共服也

隋志曰
巾國子

生服白紗爲之晉太元中國子生見祭故漢末妖賊以
酒博士單衣角巾執巾一卷以代手版

黃爲巾世謂黃巾賊

帽名猶冠也義取於蒙覆其首其本纚也古者冠無幘

案當從宋志作古者有冠無幘此脫有字冠下有纚以緇爲之後世施幘於

冠因或裁纚爲帽自乘輿宴居下至庶人無爵者皆服

之成帝咸和九年制聽尙書八座丞郎門下三省侍官

乘車白帽低幘

宋志作白帽低幘

出入掖門又二宮直官著烏

紗帽

宋志帽作幘案廣韻幘與帽同下句宴居著帽宋志卽作帽

然則往往士人宴

居皆著帽矣而江左時野人已著帽人士亦往往而然

但其頂圓耳後乃高其屋云

漢制自天子至於百官無不佩劔

續漢志注曰咸皆帶劔補注曰沈約曰高

祖爲泗水亭長拔劒斬白蛇雋不疑云劒者君子武備
張衡東京賦紆黃組腰干將然則自人君至士人皆帶
也其後惟朝帶劒晉世始代之以木貴者猶用玉首賤
者亦用蚌金銀玳瑁爲雕飾

乘輿六璽秦置也曰皇帝行璽皇帝之璽皇帝信璽天
子行璽天子之璽天子信璽漢遵秦不改又有秦始皇

藍田玉璽螭獸紐在六璽之外文曰受天之命皇帝壽

昌漢高祖佩之後世名曰傳國璽續漢志注漢舊儀曰

六璽皇帝行璽凡封之璽賜諸侯王書信璽發兵徵大
臣天子行璽策拜外國事天地鬼神璽皆以武都紫泥
封青囊白素裏兩端無縫尺一板中約署皇帝帶綬黃
地六采不佩璽璽以金銀滕組侍中組負以從秦以前
民皆佩綬金玉銀銅犀象爲方寸璽各服所好奉璽書
使者乘馳傳其驛騎也三騎行晝夜千里爲程吳書曰

漢室之亂天子北詣河上六璽不自隨掌璽者投井中
孫堅北討董卓頓軍城南官署有井每旦有五色氣從
井出堅使人按得傳國璽其文曰受命于天既壽永昌
方圓四寸上有紐文榮五龍珎七寸管龍上一角缺獻
帝起居注曰時六璽不自隨及還于閣上得案續漢志
注引吳書所言璽文與本志異又引晉陽秋作昊天
之命皇帝壽昌即戴施所獻之璽也惟引徐廣說作受天
之命皇帝壽昌與本志同宋志引虞喜志秋曰傳國璽
自在六璽之外與斬白蛇劍俱為乘輿所寶斬白蛇劍
天子凡七璽也

至惠帝時武庫火燒之遂亡及懷帝沒胡傳國璽沒於

劉聰後又沒於石勒及石季龍死胡亂穆帝世乃還江

南穆帝紀永和八年八月冉閔子智以
鄴降督護戴施獲其傳國璽送之

革帶古之鞶帶也謂之鞶革文武眾官牧守丞令下及

駙寺皆服之其有囊綬

周家祿校勘記曰綬衍文或當在囊上

則以綴於

革帶其戎服則以皮絡帶代之八坐尙書荷紫

周家祿校勘記

日宜通作八座

以生紫爲袷囊綴之服外加於左肩昔周公負

成王制此服衣至今以爲朝服或云漢世用盛奏事負之以行未詳也

車前五百者卿行旅從五百人爲一旅漢氏一統故去其人留其名也

袴褶之制未詳所起近世凡車駕親戎中外戒嚴服之服無定色冠黑帽綴紫標標以繪爲之長四寸廣一寸腰有絡帶以代鞶中官紫標外官絳標又有纂嚴戎服而不綴標行留文武悉同其畋獵巡幸則惟從官戎服

帶鞶革文官不下纓武官脫冠

漢制一歲五郊天子與執事者所服各如方色百官不執事者服常服絳衣以從魏祕書監秦靜曰漢氏承秦改六冕之制但立冠絳衣而已魏已來名爲五時朝服又有四時朝服又有朝服自皇太子以下隨官受給百官雖服五時朝服據今止給四時朝服闕秋服三年一

易

書鈔五十一晉官品令曰武官絳朝服佩山立玉

諸假印綬而官不給鞶囊者得自具作其但假印不假綬者不得佩綬鞶古制也漢世著鞶囊者側在腰間或謂之傍囊或謂之綬囊然則以紫囊盛綬也或盛或散

各有其時

笏古者貴賤皆執笏其有事則搢之於腰帶所謂搢紳之士者搢笏而垂紳帶也紳垂長三尺笏者有事則書之故常簪筆今之白筆是其遺象三臺五省二品文官簪之王公侯伯子男卿尹及武官不簪加內侍位者乃簪之手版卽古笏矣尙書令僕射尙書手版頭復有白筆以紫皮裹之名曰笏

皇太子金璽龜鈕朱黃綬

初學記二十六引晉令作皇太子及妃諸王立朱綬續漢

志注晉百官表注曰皇太子朱綬三百二十首

四采赤黃縹紺

廣雅曰縹紺皆青也給五

時朝服遠遊冠介幘翠綬佩瑜玉垂組朱衣絳紗襪皐

緣白紗其中衣白曲領帶劍火珠素首革帶玉鉤燮獸
頭鞶囊其大小會祠宗廟朔望五日還朝皆朝服常還
上宮則朱服預上宮正會則於殿下脫劍舄又有三梁
進賢冠其侍祀則平冕九旒袞衣九章白紗絳緣中單
絳緡韠采畫織成袞帶金辟邪首紫綠二色帶采畫廣
領曲領各一赤舄絳袜若講則著介幘御覽六百八十
七張敞晉東宮
舊事曰太子衣
冠有空頂幘單衣釋奠則遠遊冠立朝服絳緣中單
絳袴袜立舄若未加元服則中舍人執冕從介一中元

立

元本無一中
元立四字

諸王金璽龜鈕纁朱綬

案初學記二十六引晉令作皇
太子及妃諸王立朱綬書鈔七

十引晉百官表注作龜紐細纒四采朱黃縹紺五時朝

服遠遊冠介幘亦有三梁進賢冠朱衣絳紗褖皐緣中

衣表素革帶黑烏佩山立玉垂組大帶若加餘官則服

其加官之服也

皇后謁廟其服皐上皐下續漢志宋志作紺上皐下御

志作白上皐下又六百九十一徐廣與親蠶則青上縹

服雜注曰今皇后謁廟服袿褕大衣

下皆深衣制隱領袖緣以條首飾則假髻步搖續漢志

步搖補注曰結宋志作髻廣雅曰假結謂之髻音副鄭

氏周禮副編注曰編列髮爲之其遺象若今假紒矣東

觀記章帝詔東平王蒼以光烈皇后假髻帛巾各一衣

一篋以遺王禮記明堂副禘注曰副首飾也今之步搖

是也孔穎達曰漢之步搖亦覆首釋名曰步搖上有垂

珠步則搖也陳祥道曰漢之步搖以金爲鳳下有邸前

有笄綴五采玉以垂下行則動搖書鈔一百三十五晉
中興書曰泰元中公主婦人綏鬟假髻以為盛飾用髮
多不可恒戴乃先於籠上裝之名曰假髻俗謂之珠松
或名假頭如髮髻上射豐字裝作人作

是也簪珥步搖以黃金為山題貫白珠為支相繆八爵

九華

續漢志作為桂枝相繆一爵九華補注曰三禮圖引作一爵訛

熊獸赤罽天鹿辟

邪

通典六十一南山豐大特

史記秦紀曰伐南山大梓豐

道有怒特祠圖大牛上生樹本有牛從木中出後見于

豐水之中正義錄異傳云漢魏晉因之武都郡立怒特

祠是大梓樹神也

六獸諸爵獸皆以翡翠為毛羽金題白珠璫

繞以翡翠為華元康六年詔曰魏以來皇后蠶服皆以

文繡非古義也今宜純服青以為永制

貴人夫人貴嬪是為三夫人皆金章紫綬

初學記十臧榮緒晉書曰

晉武採漢魏之號以擬周之六宮置貴嬪夫人貴人是爲三夫人御覽一百四十五晉起居注曰永寧元年詔曰峻陽園淑妃公孫明識貞粹今進爲貴人御覽一百四十五晉諸公贊曰舊制貴嬪夫人比三公假金紫案臧書貴嬪列夫人之上貴人列夫人之下章文曰貴人與本書異御覽所引不類晉贊今仍之

夫人貴嬪之章佩于寶玉淑妃淑媛淑儀修華修容修

儀婕妤容華充華是爲九嬪

初學記十臧榮緒晉書曰淑妃淑媛淑儀修容修華

修儀婕妤容華充華是爲九嬪又置美人才人中才人以爲散職御覽一百四十五晉諸公贊曰淑媛淑儀修容修儀婕妤容華充華爲九嬪比九卿假銀青御覽一百四十五王隱晉書曰夏殷以上內職無聞姬氏之寵婦官爲盛前漢列紀十四世祖受命又有美人以比職焉又晉起居注曰泰始三年使使持節兼五官中郎將宗正丞司馬恢拜崇陽園妾李玉爲修華王宣爲修容徐玉爲修儀吳淑爲婕妤趙璉爲充華咸寧三年拜美人左嬪爲修儀邢蘭爲婕妤朱華爲容華案臧書修容列修華之上與本書異美人才人中才人本書不載

銀印青綬佩采璵玉

御覽一百四十四引晉服制今作捷好銀印青綬佩朱璵玉初學記

十引作采璵玉

貴人貴嬪夫人助蠶服純縹爲上與下皆深衣

制

續漢志及御覽六百九十引董巴漢興服志均作純縹上下十七史商榷四十七日與當作與周家祿校

勘記日與疑衍文

太平髻七鎖蔽髻黑玳瑁

續漢志日貴人又助蠶璫瑁釵

加簪珥九嬪及公主夫人五鎖世婦三鎖助蠶之義自古而然矣

皇太子妃金璽龜鈕縹朱綬

初學記二十六引晉令作皇太子及妃諸王立朱綬

佩瑜玉

諸王太妃妃諸長公主公主封君

初學記十齊職儀日自晉之後帝女依西

漢日公主帝之姑姊並日長公主

金印紫綬佩山立玉

長公主公主見會太平髻七鎖蔽髻

宋志隋志太平髻作大手髻案大手

與太平字形相近太平爲大手之譌文

其長公主得有步搖皆有簪珥衣服同制

服同制

自公主封君以上皆帶綬

初學記十御覽一百五十二威榮緒晉書曰帝之姑姊妹

皆爲長公主加綬綬初學記

二十六晉令曰郡公主朱綬以綵組爲緹帶各如其綬

色金辟邪首爲帶玦

續漢志帶玦作帶鐻下有飾以白珠四字

郡公侯縣公侯太夫人夫人銀印青綬

初學記二十六晉令曰郡侯青

朱綬案志於郡公侯之太夫人夫人

人詳載印綬而於郡公侯獨遺之佩水蒼玉其特加乃

金紫公特進侯卿校世婦中二千石二千石夫人紺繒

幘御覽六百八十八引董巴漢輿服志幘下有結字

黃金龍首銜白珠魚須攬

長一尺爲簪簪珥八廟佐祭者皁絹上下助蠶者縹絹
上下宋志及御覽六百九十引徐廣與服雜注縹絹均作青絹皆深衣制緣
自二千石夫人以上至皇后皆以蠶衣爲朝服

晉書斟注卷二十五